



PARLAMENTO
NACIONAL

República Democrática de Timor-Leste

Secretariado-Geral

Direção de Comunicação

Divisão de Relações Públicas, Comunicação e Educação Cívica

Parlamento Nacional halo abertura ba 3ª Sessão Legislativa ba V Legislatura nian



Parlamento Nacional liu hussi Sessão Solene iha loron 15 fulan setembro tinan 2020, halo abertura ba 3ª Sessão Legislativa ba V Legislatura nian.

Iha sessão solene ne'e marca presença Sua Exia. Presidente República, Francisco Guterres Lu-Olo, no simu direta hussi Secretário-Geral Parlamento Nacional, Cedelizia Faria dos Santos, no Presidente Parlamento Nacional hamutuk ho Membro Mesa sira hein iha escadaria hodi Simu Presidente República, hodi hakat ba Gabinete Presidente Parlamento Nacional nian.

Liu tiha minuto balun nia laran, Presidente Parlamento Nacional, Aniceto Longuinhos Guterres Lopes, acompanha Presidente República, Francisco Guterres Lu-Olo, hakat ba Sala Plenária, hodi hahu abertura ba 3ª sessão Legislativa hussi V Legislatura nian, ne'ebé hahú ho execução hino nacional da República Democrática de Timor-Leste.

Hafoin hino nacional, Presidente Parlamento Nacional loke Sessão Solene ne'e, no contínua halo intervenção, hodi hatete, intervenção ne'e hanesan intervenção dahuluk Presidente Parlamento nian depois de eleito, tanba iha momento neba seidauk hato'o discurso oficial. Depois de discurso ne'e, continua ho Presidente Parlamento fó tempo ba Bancada

Parlamentar sira (Bancada PUDD, UDT, FM, PD, KHUNTO, PLP, CNRT, no FRETILIN) hodi hato'o sira-nia declaração bancada nian.

Iha declaração bancada parlamentar sira ne'e, sita liu kona-ba situação dinâmica política rai laran, situação económica ne'ebé afeta hussi pandemia covid-19, no oinsá buka solução ba situação sira ne'e hodi liberta povo hussi mikit no kiak.

No ikus liu, Presidente da Republica, Francisco Guterres Lu-Olo, iha discurso koalia kona-ba lalaok situação política hahu hussi tinan 2018 to'o agora. Além de ne'e, koalia mos kona-ba importante ba partidu hotu-hotu ho asentu parlamentar, atu halao dialogo ho laran-mos no nakloke, hodi buka solução hirak nebe bele garante continuidade no estabilidade ba Governo hodi bele halao nia knar hodi hadi'ak povo nia moris. Além de ne'e, koalia mos koana-ba preparação orçamento 2020 no 2021 hussi Governo mai Parlamento Nacional, atu halo debate no aprova iha tempo badak hodi beneficio ba povo no sociedade em jeral.

Hafoin discurso, Presidente Parlamento Nacional encera sessão solene, no despede Presidente da República.

Sessão solene ne'e hetan presença hussi Vice-Primeiro-Ministro ho membro Governo balun, Ex-Presidente Parlamento Nacional sira, Comandante Geral da F-FDTL, Comandante-Geral da PNTL, inclui convidado importante sira seluk.

Presidente Parlamento Nacional simu OGE 2020 husi Governo



Presidente Parlamento Nacional, Aniceto Longuinhos Guterres Lopes, acompanha hussi Membro da Mesa sira, simu Proposta Orçamento Geral de Estado (OGE) 2020 nian iha loron 15 fulan setembro tinan 2020, iha Sala Conferência Parlamento Nacional.

Proposta Orçamento Geral de Estado ne'e entrega diretamente hussi Vice-Ministra das Finanças, Sara Lobo Brites, acompanha hussi Ministro ba Assuntos Parlamentares e Comunicação, Francisco Jerónimo, ho montante \$ 1.497.1 Millões.

Tuir informação husi Presidente Parlamento Nacional hafoin simu Proposta Orçamento Geral de Estado 2020 nian, ba Jornalista sira hatete, Orçamento ne'ebe Governo apresenta ho carater urgência, nune, sei iha Plenária extraordinária hodi discute no aprova discussão OGE ho carater urgência no baixa ba comissão Especializadas Permanentes sira hodi halo audiência publicas antes hakat ba discussão no aprovação Generalidade no Especialidade iha plenária, mais tarde dia 8 de outubro aprovação iha final global.

Parlamento Nacional

Chefe da Divisão de Relações Públicas, Comunicação e Educação Cívica

Dionísio de Jesus Lopes

Email: Dionisio.lopes@parlamento.tl

Relacoespublicas.dirpec@gmail.com